



TOSHKENT SHAHAR SERGELI TUMANI HOKIMINING QARORI

2022 - yil 31 - may

333-14-201-Q/22

Sergeli tuman hokimligi

**Ўзбекистон Республикаси Вазирлар Маҳкамасининг 2022 йил 31 мартдаги
“Хотин-қизлар муаммоларини ўрганиш ва ҳал этиш тизимини янада
такомиллаштириш чора-тадбирлари тўғрисида”ги 145-сон ҳамда Тошкент
шаҳар ҳокимининг 2022 йил 6 апрел кунги 340-14-0-Q/22-сонли қарорлари
ижроси ҳақида**

Ўзбекистон Республикаси Вазирлар Маҳкамасининг 2022 йил 31 мартдаги “Хотин-қизлар муаммоларини ўрганиш ва ҳал этиш тизимини янада такомиллаштириш чора-тадбирлари тўғрисида”ги 145-сон ҳамда Тошкент шаҳар ҳокимининг 2022 йил 6 апрел кунги 340-14-0-Q/22-сонли қарорлари ижросини таъминлаш ҳамда ижтимоий аҳволи ва турмуш шароити оғир, ишсиз ва ижтимоий фаол бўлмаган хотин-қизлар билан “Аёллар дафтари”ни юритиш орқали ишлаш тизимини янада такомиллаштириш, уларни ижтимоий-ҳуқуқий, психологик, тиббий ва моддий қўллаб-қувватлаш мақсадида,

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2022 йил 31 мартдаги “Хотин-қизлар муаммоларини ўрганиш ва ҳал этиш тизимини янада такомиллаштириш чора-тадбирлари тўғрисида”ги 145-сон ҳамда Тошкент шаҳар ҳокимининг 2022 йил 6 апрелдаги 340-14-0-Q/22-сонли қарорлари ижро учун қабул қилинсин.

2. Мазкур қарорларга мувофик:

“Аёллар дафтари”ни юритиш орқали хотин-қизлар муаммоларини тизимли равишда ҳал этиш ва уларни ижтимоий қўллаб-қувватлаш тартиби тўғрисидаги низом (кейинги ўринларда - Низом);

“Аёллар дафтари” рўйхатига киритилган хотин-қизларни қўллаб-қувватлаш жамғармалари тўғрисидаги низом;

Хотин-қизлар муаммоларини тизимли равишда ҳал этиш, уларни ижтимоий қўллаб-қувватлаш бўйича Республика комиссиясининг таркиби тасдиқланганлиги;

“Аёллар дафтари” жамғармасининг даромад ва харажатлари йиллик параметрларини ва уларнинг ижроси тўғрисидаги йиллик ҳисоботларни, йиллик иш режаларини тасдиқлаш ҳамда жамғарма маблағларини шакллантириш ва улардан фойдаланиш билан боғлиқ бошқа ваколатлар “Аёллар дафтари” жамғармаси Васийлик кенгаши (кейинги ўринларда- Васийлик кенгаши) томонидан амалга оширилиши;

Васийлик кенгаши аъзолари жамғармани бошқариш бўйича фаолиятини жамоатчилик асосида амалга ошириши маълумот учун қабул қилинсин.

3. Сергели туман ҳокимининг ўринбосари (Н.Жўраева), Аҳоли бандлигига кўмаклашиш маркази (Т.Алиев), Маҳаллабай ишлаш ва тадбиркорликни ривожлантириш маркази (Ғ.Пармонов) секторлар раҳбарлари билан ҳамкорликда хотин-қизлар бандлигини таъминлаш чораларини кўрсин.

4. Сергели туман ҳокимининг биринчи ўринбосари (А.Жумабоев), туман Молия бўлими (Э.Мардиев):

ҳар чоракда маҳаллий бюджет прогнозининг ортиқча бажарилган қисмининг камида 15 фоизи, бироқ “Аёллар дафтари” рўйхатига киритилган хотин-қизларни қўллаб-қувватлаш чора-тадбирлари харажатларини молиялаштиришга етарли бўлган миқдорда “Аёллар дафтари” жамғармасига йўналтирилиши бўйича халқ депутатлари Сергели туман Кенгашига таклиф киритилсин;

“Аёллар дафтари” рўйхатига киритилган ва уй-жойини таъмирлашга муҳтож эҳтиёжманд хотин-қизларнинг уй-жойини тизимли равишда таъмирлаш ишлари амалга оширилсин.

Бунда ҳар бир уй-жойини таъмирлаш ишларига “Аёллар дафтари” жамғармаси ҳисобидан базавий ҳисоблаш миқдорининг 30 бараваригача миқдорда маблағ ажратилиши назарда тутилсин.

5. Сергели туман ҳокимининг ўринбосарлари (Н.Жўраева, Ў.Махкамов), Сергели туман Тиббиёт бирлашмаси бош шифокори (С.Хусанова)лар:

“Аёллар дафтари” рўйхатига киритилган хотин-қизлар ва уларнинг вояга етмаган (қарамоғида I гуруҳ ногиронлиги бўлган фарзандлари ёшидан қатъий назар) фарзандларига даволаш, дори воситалари олиб бериш ёки мураккаб жарроҳлик амалиётлари учун маблағ зарур бўлган ҳолатларда туман тиббиёт бирлашмаси хулосаси ва сектор раҳбари тавсияси билан тиббий муолажа харажатларини “Аёллар дафтари” жамғармаси ва хотин-қизларни қўллаб-қувватлаш давлат мақсадли жамғармаси маблағлари ҳисобидан тўлаб бериш тартиби жорий этилганлиги инобатга олинсин.

6. Сергели туман ҳокимининг ўринбосари (Н.Жўраева):

“Аёллар дафтари”ни юритиш орқали хотин-қизлар муаммоларини

тизимли равишда ҳал этиш ва уларни ижтимоий қўллаб-қувватлаш бўйича мазкур қарор билан жорий этилган янги тартибни амалиётга жорий этиш чораларини кўрсин;

жамиятда хотин-қизларнинг ролини ошириш ҳамда бандлигини таъминлаш бўйича белгиланган чора-тадбирларнинг мазмун-моҳиятини кенг жамоатчиликка, хусусан, аёлларга тушунтириш, шунингдек, “Аёллар дафтари” билан ишлаш борасидаги ишларни мувофиқлаштирсин.

Ўзбекистон Республикаси Вазирлар Маҳкамасининг мазкур қарори билан тасдиқланган Низом талабларига қатъий риоя қилган ҳолда иш ташкил этилиши таъминлансин.

7. Сергели туман ҳокимининг 2021 йил 24 майдаги “Ўзбекистон Республикаси Вазирлар Маҳкамасининг 2021 йил 28 апрелдаги “Моддий ёрдам ва кўмакка муҳтож oilаларни, хотин-қизлар ва ёшларни ижтимоий қўллаб-қувватлаш бўйича қўшимча чора-тадбирлар тўғрисида”ги 250-сонли қарори ижроси ҳақида”ги 227-Қ-сонли қарорига иловага мувофиқ ўзгартириш ва қўшимчалар киритилсин.

8. Мазкур қарорнинг бажарилишини назорат қилиш Сергели туман ҳокимининг ўринбосари Н.Жўраева зиммасига юклатилсин.

Туман ҳокими



Э.Шукуров

Sergeli tuman hokimining
2022 yil 31 maydagi
333-14-201-Q/22-son qaroriga
1-ilova

**Сергели туман ҳокимининг 2021 йил 24 майдаги “Ўзбекистон
Республикаси Вазирлар Маҳкамасининг 2021 йил 28 апрелдаги “Моддий
ёрдам ва кўмакка муҳтож оилаларни, хотин-қизлар ва ёшларни ижтимоий
қўллаб-қувватлаш бўйича қўшимча чора-тадбирлар тўғрисида”ги 250-
сонли қарори ижроси ҳақида”ги 227-Қ-сонли қарoriga киритилаётган
ўзгартириш ва қўшимчалар**

1. 2-банднинг тўртинчи хатбошиси чиқариб ташлансин.

2. 3-банднинг учинчи хатбошиси чиқариб ташлансин.

3. 4-банднинг “б” кичик банди чиқариб ташлансин.

4 6-банд қуйидаги таҳрирда баён этилсин:

5. Сергели туман ҳокимининг ўринбосари (Ў.Махкамов), Ёшлар ишлари агентлиги Сергели туман бўлими (Ш.Набиев), сектор раҳбарлари билан биргаликда:

“Ёшлар дафтари”ни юритиш ҳамда унга киритиладиган ёшлар билан ишлаш бўйича тартибни, ҳисобот бериш ва маълумотларни тақдим қилиш шаклини амалиётга жорий этиш чоралари кўрилсин;

жамиятда ёшларнинг ролини ошириш ҳамда бандлигини таъминлаш бўйича белгиланган чора-тадбирларнинг мазмун-моҳиятини кенг жамоатчиликка ва ёшларга тушунтириш, шунингдек, “Ёшлар дафтари” билан ишлаш борасидаги ишларни мувофиқлаштириб борилсин”.